



# QUÆSTIO MEDICA,

*CARDINALITIIS DISPUTATIONIBUS,  
manè discutienda in Scholis Medicorum, die foris  
vigesimâ-tertiâ Junii.*

M. PETRO YON, Doctore Medico,  
Præside.

*An fructuum esus, salubrius Panis condimentum, sarcophagiâ?*

I.



**A**LIMENTUM rectè dicitur, quidquid in corporis nostri substantiam convertitur, aut converti potest, familiaritate substantiæ, proportionem convenienti, & similitudine. Inter has tres doctes (quæ ratione, experienciâ, sensibus ac potissimum gustu deteguntur) prima proprium & unicuique conveniens alimentum (eidem homini non semper idem) constituit simul & indicat, movendo appetitum; qui, nisi aliquâ de causâ vitietur, semper fertur ad id quod consoziale est corpori. Ulteriorem, apertam magis & indubitatam hujus convenientiæ notitiam qui conantur assequi mechanicis aut chymicis exemplis, non minùs ludunt operam otioque suo abutuntur, in alia, præsertim à Medicis, conferendo, quàm

A

\* Genes. c.  
10.

theologi in perquirendo speciem ligni vitæ & agnitionis boni & mali; nullumque alium laboris sui fructum percipiunt, quàm vanam novitarum gloriam, & contentionis adversùs veteres de nominibus ac minimè de rebus ostentationem: quâ populi Medici, *Qui \* unius deberet esse labii & sermonum eorundem, ita confunditur lingua ut vix quisque audiat vocem proximi sui.* Unde metuendum, ne in diversas iatricas gentes, à verâ Medicinâ planè devias, dividatur, tædio priscarum loquendi formularum, aut saltem neglectis, neque excultis antiquorum monimentis. Proportio ( quæ in quantitate, consistentiâ seu substantiæ modo, & temperie consistit ) requiritur ad omnimodam alimenti immutationem, huicque necessarias prævias præparationes, alterationes, & coctiones. Similitudo, in alimento nutrituro tam interno hoc est chylo, quàm externo, est tantum aptitudo ad induendam cum partibus similitudinem, rudimentum similitudinis in alimento quasi nutriente seu sanguine, vera & actualis in alimento actu nutriente seu Cambio: cui propriè magis & legitimè jure alimenti nomen tribuitur. Triplex illa similitudinis ratio ita non est intelligenda, ut nihil sit in triplici illo alimento ineptum alendo corpori, nec dissimile, nec contrarium. Alimentorum nullum est, quod de naturâ medicamenti non participet: non pauca, veneni aliquid continent: omnia, excrementi plurimum habent. Quam obrem simplicissimum ne quæras cibum, sed simpliciorum, qui naturæ corporis congruat, Huic comites si adjungas, cave, ne præcipuo noceant alenti, corpusque lædant: sed diversis, quibus constabunt substantiis, suisque virtutibus, corpori prodesse, omnesque laudabilis nutriticatus scopos adimplere valeant.

## II.

**A**LIMENTUM, est quid relativum, Quod enim uni alimentum est, alteri non est; ut patet exemplo Cicutæ & Ellebori. Hic, coturnici alimentum, homini medicamentum. Illa, hominibus & anseribus venenum, sturnis nutrimentum. Hominum excrementa, suis in alimoniam cedunt. Rusticula interanea non repurgata, suavis heminibus esca, Idem, alimentum est eidem & medicamentum, ut lactuca, quæ non tantum ventriculi & sanguinis intemperiem calidam emendat sitimque sedat; verum & in sanguinem mutata, caloris nativi partiumque substantiam auget, Idem, venenum eidem est

& pabulum, ut Juccæ indicæ radix, cujus succus deleteriâ qualitate hominis corpus corrumpit, pars crassa & terrestres in pol-  
linem tenuissimum redacta panis alimentarii conveniens est ma-  
teria. Multiplicis istius discriminis causas, non aliundè repetas,  
quàm ex convenientiâ, dissimilitudine, vel contrarietate. Duas  
postremas, singularis, oblatis aut præsentis, & *ἁπορίας* naturalis  
declarat. Familiaritatem, indicat insitus cuique appetitus,  
quem excitat sensus & *κινήσεως* in singulis partibus, peculiarif-  
que in stomacho affectionis consecrarius: quique sensibus ex-  
ternis, velut exploratoribus, utitur: ità tamèn, ut à tactu in oris  
partibus imprimisque gustu pendeat judicium de affinitate, dis-  
convenientiâ & dissidio; nullatenus ab auditu; vixque ab odo-  
ratu & visu. At hi tres sensus, & inter ipsos olfactus, non pa-  
rum conferunt, ut dignoscatur ingerendorum bonitas aut vi-  
tium, cujus cognitionis præcipua laus debetur gustui. Quæ qua-  
litatibus manifestis sese non produnt, ratione & experienciâ sunt  
retegenda. Id aliquandò tardiùs hæc præstat, quàm par esset.  
Proportionis in alimento cum corpore nostro necessitas, colli-  
gitur ex præparationibus, coctionibus, & immutationibus, quæ  
illi subeundæ sunt, antequàm in partium substantiam facessat.  
Majori liquidæ copiâ, calorem obrueret; minimâ sui mole,  
dentium actionem effugeret; durissimum, eorundem conatus  
eluderet; asperum & suâ superficie inæquale, membranam oris  
partes investientem graviter læderet; lentum nimis tam humi-  
dum, quàm solidum, regereretur integrum per secessum; ni-  
mio urens calore, vel alio primarum qualitatum intensiore ex-  
cessu calorem nativum vincens, aut partibus jam inustam in-  
temperiem augens, noxam inferret corpori. Commemorati &  
cæteri analogiæ alimentorum affectus, sensibus, ac præsertim  
gustui & tactui, deprehenduntur. Similitudo, non nisi à postero-  
ri, seu restauratâ, necnon auctâ corporis mole naturali, co-  
gnoscutur.

### III.

**N**EMO, nisi sacrarum paginarum ignarus, nescit, primo  
parenti paradisi terrestres colono sola <sup>b</sup> arborum fructuo-  
sa data in escam; eidemque, propter funestum seducti liberi  
arbitrii usum, *Redhibito* <sup>c</sup> *materiæ suæ & in ergastulum terræ la-*  
*borandæ relegato*, præscripta victus fulcimenta <sup>d</sup> herbas & panem.  
Non repugnat credere, fructuum esum haud interdictum. At

A ij

<sup>b</sup> Genes. c.

2.

<sup>c</sup> Tertull.

adversus  
marcionem

l. 2.

<sup>d</sup> Genes. c.

3.

¶ Ib. c. 9.

¶ Ib. c. 1.

¶ Testull.  
1. de carne  
Christi.

constat, nonnisi \* secundæ post diluvium genituræ, jam decedenti diuturnitate & felicitate vitæ, quæ sæculorum decursu magis ac magis contrahitur & deteritur, concessum vesci carnibus animalium: quæ hominis imperio & dominio ex primâ institutione mancipata fuerant, ejusque usibus & commodis addicta. Illas Deus supermensus est, tanquam olera virentia, propter infirmitatem carnis humanæ & duritiam cordis, necnon puniendæ simul gulæ & exercendæ continentia causâ, non ex naturâ proprietatis, neque ex necessitate corporalis conditionis. Absunt quippè longiùs à substantiâ corporis, *quod de limo ¶ figuratum, utriusque § originem elementi, confitetur, aquam, sanguine qui est rubens humor; & terram, carne, ossibus & ceteris partibus, quæ nihil aliud sunt, quàm in figuras suas conversa terra.* Ex hâc igitur congrua magis & εὐμεσοφύτα depromunt vitæ præsidia. Eduliorum omnium præstantissimum maximèque familiare, panis; ad quem naturæ in hominibus, cum sui compos est, esurientis præco appetentia dirigitur; quò benè valentium nemo carere potest; omnibus suavis, qui definit ipsiùsmer temperantiæ modum, neque patitur nimîa ingurgitatione repleri ventriculum; citrà quem nullum aliud, absque valetudinis incommodo, esitari potest; quem ab omni cibario quicumque sanus siccaret, inculpatam servaret, quæ ciborum varietate plurimùm labefactatur, sanitatem. Attamen cùm multis mutationibus corpus sit obnoxium, & uniùs semper ejusdemque alimonix tædio langueat stomachus, recreandus cibus panis comitibus intermansis, quibus eâdem fideiâ corrigantur, aut demantur, quæ naturæ in corpore minùs sunt consentanea. Caro cibus est, vel etiam sanis, anceps. Non paucos humores excrementitios, nulliùs usûs, morborum parentes, & nonnisi ægrè eluendos, suggerit; & quantùm alibilis substantiæ (quæ non ità laudabilis nec εὐπέπτη nec εὐανόστος) subministrat, tantùm innuit subtrahendum copix panis, aptissimi, præ omnibus, alimenti, cunctisq; integrâ valetudine fruentibus necessarii. Fructus pani inter edendum si commiscueris, non modò, suavitate quam participant gratiosi humoris & odoris, appetitum, masticationem & deglutitionem juvabunt; sed & τῇ εὐχελίᾳ non parùm conferent ad chyli distributionem, & viscerum nutritiorum nitorem: quorum, ac præsertim ventriculi & sanguinis intemperiem emendabunt. Ex ipsiis

5

quoque conficiuntur quamplurima potuum genera, non minus grata, quàm utilia diætæ sicut & pharmaciæ adjumenta & instrumenta.

#### I V.

**O**MNIS homo, semper ægrotat. Sanus vulgò nuncupatur, in quo manifesta non percipitur, nec obscura, functionum læsio; licet partium & humorum temperies aliquatenus à naturali recesserit, atque horum commoderatio, & ad se invicem omnimoda non sit proportio & commistio, nec satis liber commeatus. His primis saltè morborum rudimentis, tantum abest, ut medeatur sarcophagia, imò præbet incrementum. Carnium siquidè triplex genus distinguitur. Primum, partium, quæ trunculorum, & omasorum appellationibus comprehenduntur: difficillimæ coctionis, paucissimi alimenti, & crassæ ac lentæ substantiæ. Secundum, parenchymatum, glandularum & interaneorum: crassi succi, coctu difficilis, tardè permeantis, & maximè excrementitii. Tertium, carnis musculosæ; de cujus bonitate vix constare potest: quod pendeat ab innumeris causis, animalium genere, specie, ætate, victûs ratione, habitu corporis, veneris cœstrò, prægnatione, parturitione, institutis, partium discrimine. Eadem Caro facilè & quidè omnino demutatur, tempore mactationis, coctionis & parandi modò, ferè semper dubiò & inæquali, ut plurimùm adulterante & corruptente, in quò difficile est non peccare; necessariò tamèn, cum cruda caro non veniat in usum hominis. Cujuscunque sit dotis & conditionis, nisi maximâ tostionis ariditate fiat exsucca, facilis non est attritu. Vel enim dura est & siccitate *πανυγεία*; vel laxior, mucosa, lenta & viscida: quæ medio in his qualitatibus modo se habet, nec friabilis est, nec *δαλυνή*, ut potè nervorum tenacibus connexibus implexa, venarum & arteriarum ramosis discursibus implicita, fibris sibi invicem arctiùs coherentibus intexta. Hinc omne carniū genus (etiam intritorum & inficiorum) cum imperfectè subigatur in ore, difficiliùs in ventriculo coquitur, distributioni dicatas partes ægriùs subit, nec satis celeriter permeat, sanguinis anadosim moratur, infarctus parit, putredine flammam facile concipit. Quidnè & morborum, non paucis animalium speciebus familiarium, vel congeneris indolis, tradux existimetur. Edulium fructuum conditio, sensibus est obvia & cognitu facilis; arte



non indigent, ut in escam admittantur; dentibus & ore vel minimò negotiò finduntur, inciduntur, accuratè comminuuntur, facillè teruntur, diluuntur, salivâ undiquâque perfunduntur, & commiscuntur pani: cujus in orè præparationem, tum deglutitionem, & ex utròque alimenti genere conflati chyli distributionem, promovent: humorum, & partium, quibus excipiuntur, intemperiem, castigant: atque inimo ventre collectam, vel etiâ contumaciùs hærentem illuviem, partim per urinas derivant, partim, alvum subducendo, per secessum deturbant & everrunt. Contrarios evacuationi effectus producant, nonnulli propriâ facultate, quamplurimi prò maturationis gradu, exsiccationis, cocturæ & condituræ ratione, quæ facilis, nec operosâ luxuriâ fructus corrumpit: quibus contrâ id commodi adfert, ut in diuturnum tempus incorrupti asserventur, adeò ut qui uniûs duntaxat anni tempestatis proprii sunt, omnibus communes evadant.

## V.

**P**ANE <sup>h</sup> manè plente, diariò viaticò, in crastinam diem, nisi sextâ, citrà corruptelam non colligendò, saturabantur peregrinantes israelitæ. Coturnices serò tantùm ascendentur comedebant. <sup>i</sup> *Carnis dein avidissimi*, murmuris pœnâ plexi, *usquè ad choleram illas ortygométras cruditando*, sepulti <sup>k</sup> sunt in loco sepulchra concupiscentiæ nominatò. Natura sui authoris, quò ubique gubernatur imitatrix, ejusque virtute provida simul & prudens, panis, cujus eadem quovis anni tempore laus esse potest, materiam semper sufficit; non itèr carnes, quarum plurimæ quibusdam tempestatibus desiderantur, aut insulsæ à mensis abdicantur, & quæ omni tempore apponuntur, pro ejus diversitate, variant in bonitate. Fructus suppeditat congruos singulis corporis constitutionibus, quas insignes aëris à motu solis & aliorum syderum ortu & occasu mutationes invehunt. Ab æquinoctiò vernò, ad nonas maii, quoniâ congesti hyeme succi liquantur, attenuantur & coquuntur aëris temperati beneficio, ( undè minùs alimenti ingerendum, ideòque nec multiplici, quod ejus desiderium moveat, opus est auxilio ) nulli prodeunt, nullique maturescunt fructus: sed pauciores suppetunt qui per hyemem maturuerunt. Ab humoribus fufis cum plurima excrementa succrescant, jamque calor vires intensiores acquirat, mense majò in subsidium veniunt fraga & cerasa

<sup>h</sup> Exod. c.

16.

<sup>i</sup> Tertull.

l. de jejuniiis.

<sup>k</sup> Numer.

c. 11.

quæ aquosô humore, quô plurimô luxuriant, corporis nostri secessus facîle subeunt, per urinas excernuntur, alvum movent, ventriculi & humorum æstum frigiditate mitigant & aliquâ aciditate putredini obsistunt. Hâc tatione nitentibus visceribus succurrunt paulô post adjuncti aut succedanei coeteri fructus horarii; quorum infinitæ species dissimilis consistentiâ succi, quô vel laxant ventrem vel cohibent; & refrigerante humiditate magis aut minùs abundantès, humorum ab æstivâ temperie fervorem & partium squalorem temperant & arcant; languentem eâ tempestate appetitum excitant odoris & saporis jucunditate, nec ventriculo, quia coctu faciles, noxam adferunt. Autumnus inæqualis suos fert fructus consimiles temperamenti & substantiæ atque effectuum anomaliâ. Hyeme, quâ ventres calidiores sunt, crassioris substantiæ, pinguis succi & butyrosæ carnis, ideôque minori ad coctionem suscipiendam facilitate, aucto ventriculi calori magis analogi fructus reconduntur & ad maturitatem perveniunt. Hos inter nonnulli per annum integrum sine ullâ arte sed propriâ sponte durant.

*Ergo fructuum esus, salubrius Panis condimentum, sarcophagiâ.*

Proponēbat Parisiis GILBERTUS PUYLON, Parisinus,  
Baccalaureus Medicus. A. R. S. H. 1695.

---

Apud Franciscum Muguet, Regis & Facultatis Medicinæ Typographum.